

DUUKO SAN 2018  
SAN 45NAA - BOKO 55NAA  
Songo = Dōrome 35

# KIBARU

Kunnafonisében bota kalo o kalo - BP : 24 - Téléphone : 20.21.21.04 Kibaru bugufiyé Bosola Bamako

Otiwale ka  
senemara kōn  
sumanw yecogo  
ka ni folo  
N° 2

## Jamana sariyasunba lafasabulon ye jamanakuntig si kalata jaabi labanw dira

Mara ni desantalarizason minisiri kelen ko ka jamanakuntigisigi kalata tako 2nan jaabi di, o min kera utikalo tile 12 san 2018, jamana sariyasunba lafasabulon ta dara o kan ntēnen utikalo tile 20.

A jirala ko mogô 2.753.698 bora ka wote, mogô 85.648 ka wote kecogo ma ne, mogô 2.668.050 ta kecogo ne. Ob'a jira ko mogô hake min togó sebenna n'ye 8.000.462 ye; 43,42% de bora ka wote. Jeycéninina fila ninnu na, a tun nininen don dô ka se ka mogô 1.334.026 soro; n'ye mogô hake min ka wote kecogo ne, o tilalen fila ye ka mogô kelen fara o kan.

O siratige la Ibarahimu Bubakari Keyita ye mogô 1.791.926 soro; o ye 67,16% ye. Sumayila Sise ye mogô 876.124 soro, o ye 32,84% ye. Jamana sariyasunba lafasabulon némogô Madamu Manasa Dajoko y'a sementiya, ko Ibarahimu Bubakari Keyita kera Mali jamanakuntigi ye kokura a yere no na san 5 kuntaala, k'a damine san 2018 setanburukalo tile 4 na ka se san 2023 setanburukalo tile 3 ma.

Tako filan jaabi: Jamana kuntigisigi tako 2nan kera Ibarahima Bubakari Keyita ni Sumayila Sise ce karidon utikalo tile 12 san 2018. O jaabi kun fôlô lasera mara ni desantalarizason minisiri Mohamedi Agi Erilaju fe alamisa utikalo tile 16 san 2018. Hakililajiginna, mogô hake min togó sebenna kalata w kama, o ye 8.000.462 ye. Mogô hake min bora ka wote o kera mogô 2.763.339 ye. Mogô hake min ka wote kecogo ma ne olu la, o benna mogô 85.536 ma. Hake minka wote kecogo ne na n'olu jatera, o ye 2.677.803 ye. O b'a jira ko

## Jema, demedonjekulu Wôridi Wisoni y'a ka senefenw jirafisugu jo

Demedonjekulu Wôridi Wisoni ka poroze min nesinnen be senê ma, o ye bolofenjirasugu do jo Jema sugodon fe zuluyekalo tile 12 san 2018. Poroze in musaka mume benna sefawari miliyon 15 ma. Lanini tun ye sumansi kura minnu b'u bolo waatiye lema kôlôwé kunbeni kama, k'olu jira jama na. Nakosiw fana tun b'a la. A dabokun do fana kera sitigw ni senekelaw bolo donni ye nôgon bolo ani ka kunnafoni caman di nôgon ma si

kalatala hake sebennen mume na 34,54 % de wotera.

Mogô 1.758.632 wotera Ibarahimu Bubakari Keyita ye. O ye 67,17% ye. Mogô 879.735 wotera Sumayila Sise ye. O ye 32,83 % ye.

Jamana sariyasunba lafasabulon be nin jaabi kun fôlô dilen segesegé ka soro ka jaabi laban di.

Jamana sariyasunba lafasabulon kiiritigela mume ye mogô 9 ye. Mogô minnu binna Ibarahimu Bubakari Keyita ko, olu tun ye laninisében 23 ladon sariyasunba lafasabulon na; o fanba tun ye Sumayila Sise ta ye. Utun'y'a jini kiiritigela 6 bolo ka bô u ka baara la k'olu ma laadiriya ke. Kiiriso in ma son o kiiritigela 6 ninnu labilali ma u cêla. A ma son laninisében dôw fana jaabili ma; sabula k'olu ma ladon ka kôn juma utikalo tile 3 miliwi ne. Mogô si majama fanba soro kalata tako fôlô la; o la tako filan be ke,

mogô fila fôlô min be ten kan ka jamanakuntigi sugandi olu la. Nka olu fila la ni min'y'a senbo joyorçôninina, min dalen b'a kan kuru hake la, o be bila o no na.

Tako fôlô jaabi : Jamanakuntigisigi kalata tako fôlô min kera zuluyekalo tile 29 ni mara ni desantalarizason minisiri y'a jaabi kun fôlô lase, a jaabi laban dira araba utikalo tile 8 san 2018, jamana sariyasunba lajasabulon fe. A némogoya tun be yen kiiritigelaw némogô Madamu Manasa Dajoko bolo. Lere 1 ni sanga 30 kera jaabi dili laje la.

Manasa Dajoko y'a jira k'u kelen ko ka wotebiro kelen - kelen jaabiw fesefesé jamana kôno an'a kôkan, u ye nin jateminew ke:

Mogô hake min togó sebenna kalata kama, o ye 8.000.642 ye. Mogô 3.416.218 de bora olu la ka kala ta zuluyekalo tile 29. Mogô 3.192.149

ka wote kecogo ne na ola. At 224.069 ta kecogo ma ne. O y'a soro mara ni desantalarizason minisiri tun ko mogô hake min ka wote kecogo ma ne, jamana sariyasunba y'a kolosi, ko mogô 1.176 ka wote kecogo ka ni olu la. Nin fesefeseliw kofe, a sementiyara ko kalatala hake sebennen na 41,70 % de bora ka wote.

Ibarahimu Bubakari Keyita min ye jamanakuntigi ye n'a ke k'a joyorçônini kokura, mogô 1.331.132 wotera olu ye. O ye kalatala 41,70 % ye; Sumayila Sise dara ale kan ni 17,78 % ye; o b'a jira ko kalatala 567.679 ye. Aliyu Jalo kera mogô sabanan ye, a ta ye 8,03 % ye; Seki Modibo Jara ye mogô 4nan ye, o ta ye 7,39 % ye. Olu mogô 4 bœs ka mogô hake soroen cayara ni 5 % ye kalatala mumé na. O la u ye sefawari miliyon 25 000 000 min sara jamanakuntiya, ninini kunkoro, o tilance be lasegin u ma. Nka jamanakuntigisigi tako filan be ke Ibarahimu Bubakari Keyita ni Sumayila Sise fila de ce utikalo tile 12 san 2018. Jamanakuntiya ninibaa to ka jaabiw file kemesarada la :

Sokeli Kokala Mayiga 2,16%; Haruna Sangare 1,80 %; Huseyini Amiyon Gindo 3,90%; Mamadu Umaru Sidibe 1,70%; Daramani Danbele 0,59%; Musa Sinko Kulubali 0,95%; Nankoro Ye Samake 0,52%; Modibo Koné 2,29%; Daba Jawara 0,72%; Mamadugori Jara 1,13%; Mohamedi Ali Bacili 0,55%; Mamadu Tarawele 0,49%; Modibo Sidibe 1,42%; Hamaduni Ture 0,54%; Modibo Kajoge 0,95%; Adama Karé 0,82%; Kalifa Sanogo 1,22%; Jenéba Njai 0,38%; Umaru Mariko 2,33%; Muntaga Tali 0,64%.

Dokala Yusufu Jara



Jamanakuntigisigi kalata jaabi labanw dira

Jema perefe dankan Bakari Joman Jakite y'a jira ko nin senekesugu in bennna waati numan ma senekelaw bolo, ka da a kan u caman tun be sumansi jini na a waatila. Sumansi suguya be fana kote; nka siteliman nafamaw de ko don, minnu kolo ka gelen ja ani banaw bolo. A ko ni nin nôgonna suguw be joka caya samiyé daminew na, o be ke ko numanba ye sene soro yiriwali la ka dunkafa sabati sigidaw la ani jamana kôno. Senefenjirasugu in kunceto, lanini

dôw kera, o fanba la, a jira la ko suguinkajosan osansamiyédonda fe k'a soro zuwenkalo ma tile 10 soro. A ninina u ka yaala k'a ke Jema serekili sugu be la, ka bandiriw laben bolofenjira law ye ani ka taamasiyénnandimogôkelen-kelen ma, n'o be wele tubabukan na badiji (badge). Juru be don o fen in na k'a dulon kan na mogôw b'a ye. Jema senefenjirasugu kera wasa ye.

Uka Ba  
Dokala Yusufu Jara

## Jamanadenwka kan lafaamuya kosebe marabolo ni sigida yiriwali saalen (Tedereli) sarali la

Marabolo ni sigida yiriwali saalen (Tedereli : TDRL) ye. Mogo kelensaalen ye. O koro ye, saalen min be bin mogo kelen kan. A dabokun ye jamanadenw ka u ka marabolo n'u ka sigida yiriwalaara bolodalenw nafolo bo; o mana ke u be se ka kuma u ka yoro kunkankow kan, ka feerew tige walaasa forobanafolo ka musaka konuman, jelenya ni laadiriya la, bee lajelen ka nafa kama.

Tedereli be sara sije kelen san kono. Mogo o mogo si mana se san 14 ma, na sigilen be Mali kono, ka damine san kalo folo tile folo la n'o ye zanwuyekalo ye, a sarali wajibiyalen don, olu be kan. O dantigera jamana lenpoko sariyaba fe, a sariyasen 152nan ni a 153nan kono.

Sariya y'a yamaruya mogo dow kana Tedereli sara. O mogo ye finitigiw lakolidenw ni lakolidenkorobaw, mogo koroba minnu si be se san 60 ma, den naani be muso minnu bolo, ka yelen, jamana jolen be bana min furakeli musakaw koro, o be mogo minnu na, n'u lakodonnen be nafoloko minisiri ni kenyako minisiri fe. I na fo lujuratow, minnu te se ka baara ke. Ol te tedereli sara.

Sigida kelen-kelen be b'ka tedereli wari sigi a ye e ye. Bamako ta ye sefawari 600 ye.

Tedereli sarali sirilen besarati dow la. Sarati folo ye meri ka a sarabagaw jatebo k'u togo seben k'u hake don. Sarati filanan ye meri ka tederelikaniseben ci tederelisarala kelen-kelen ma. O seben in ka kan ka taa di kelen-kelen kono.

Komini 4nan meri magonemina ne nabobaga folo ka fo la, meri baarakelaw de ka kan ka Tedereli mine. Nka geleya b'o la bawo olu t'a fe k'o baara in ke fu. N'a fora k'u sara, o fana musaka ca meri ma, Bakari Tangara ka fo la.

Bakari Tangara y'a jira ko desantaralizason te se ka sirasoro ni tedereli ma sara a ne ma jamanadenw fe.

A ka fo la halibi, Mali kono, dugubakonokoriniw be se k'u ka tedereli doren de mine, o y'a cayalenba ye, kasoro wulakonokominiw kono a hake yelenne don.

Kominijemogow y'a jira ko jamana k'u deme ka tedereliw mine; na y'u mine, a b'u lateme sigida lakodonnen ma, i na fo a be ka patantiko la cogo min.

Nuhumu Jakite ka fo la, ale ye jekulu nemogo ye min lanini ye jelenya ni laadiriya sabatili ye forobanafoloko la, mogo te kominiw bolo, minenw t'ubolo, minnu b'a to n'u be se k'u ka sigidalamogow jatebo, k'u togo seben, ku hake don.

Fanga t'u la fana ka tederelikaniseben ci tederelisarala kelen-kelen ma, ka tedereli mine. O baara ninnu dönniya yere de fana te kominiw. O baara ninnu dönniya be cakeda min na, o ye jamana lenpoko

nemogoso ye bawojamana lenposarala be togo b'o bolo, nka sariya t'o cadeda in yamaruya a ka tedereliw mins.

Jakiteke y'a basakilici ko kominijemogow be siran ka tedereli mine dugumogow la. Bawo tederelikofaamuyalen te, a benneente mogow ma, u ta fe k'a sara. Ni kominijemogow min yegerente sigi mogow kan kojugu tedereli saraliko la, o be mangoya soro, wote wore, mogow be bana la, utewote a ye.

Bakurubafo la, tedereli sarabaliya, kunnafonidi ni lafaamuyali fanga dogoyali tederelikofa, olu ye geleyaw ye sigida lakodonnenw ka kan k'ucesiri ka minnu wuli, ka fura soro u la.

Bakari Tangara y'a jira ko hali ni dugumogow hake jateboli ma se ka ke, kunnafonidi ni lafaamuyali caman ka kan ka ke walasa dugumogow k'a don ko tedereli sarali ye yereyebara ye, fasodennumanyaabaara don, sigidayiriwabaara don. Nka sigidalamogow caman hakili la, nin ye mere na ka konseyew ka labennen ye walasa ka dorobanafolo ke u sago ye.

Kominijemogow dow ka fo la, Komaseginniminnubekesanalaban na Komini ka baarakenafolo soro na musakaw kan, bee lajelen be welle nin kene kan, o ye kunnafonidiken ni lafaamuyaliken ye min nafa ka bon. O kofe soro ni musakaw laselisene, ofana bilalen be dugumogow ka bolokan, kunnafonisoro ni lafaamuyali kama.

A ko yere geleyayoro ye min ye, dugumogow caman t'a kalama dugubaw kono ko tedereli be yen, kuma t'a sarali ma. Dow hakili la nisongo binni min kera okera tedereli binni ye kasoro utel kelen ye. I mana tedereli saraliko fo dugubaw kono, dow b'a fo k'an temena o kan a meenna.

O na ta bee, meri be ka tedereli bo mogo kun dugubaw kono hali n'o ya soro u t'a kalama. N'i taara sojo yamaruyaseben nini meri la, walima orobinesigi yamaruyaseben, adw, n'i ma tedereli sara, it's seben ninnu soro. A seben dow te soro fo n'i ye san 3 temenen tedereli sara.

Forobayorow labenni n'u lasaniyalisaben be soro sefawari 400 meri la, furusiriw gansilisaben be noro sefawari 600, duseben be soro sefawari 300, nin seben ninnu si te soro n'i ma tedereli sara.

Furusiri yamaruyaseben o te soro ni kopoke ma san 5 temenen tederelisara, o be ben sefawari 1.800 ma.

Mogo faamuyalen y'a jira ko ko tedereli sarali te sabati ni sigida lakodonnenw ni jamana lenpoko nemogoso ma je k'u fanga fara nogon kan.

Bamako Disitiriki kono, tedereli be tila nincogo in na 3% be di Anisete/ANICT ma, sigida lakodonnenw yiriwali nafolobocakeda, 20% be di Bamako meriba ma; 80% be di komini ma.

Mohamed D. Jawara  
Mahamadu Konta

## Sahelikungo kelejekulu kunkanje kera Nuwasoti

Afiriki kelenya tonba ka laje 31nan kuncelen, sahelikungo kelejekulu kunkanje tugura o la jamana 5 jamanakuntigi fe : Mali, Nizeri, Burkina Faso, Cadi ani Moritani. Faransi jamanakuntigi Emaniyeli Makoron tun b'a kene kan. Ale y'a jira ko faransi be jekulu in kokoro, Eropu mumu b'a kokoro.

An b'aw ladonniya hakililajigin na, ko sahelikungo kelejekulu sigira senkan Bamako san 2017 zuluyekalo la. Walasa ka nafolo ni kelekeminenw soro ka bila kelejekulu Zesenki (G5) ka bolo kan, jamanakuntigi Emaniyeli Makoron ka wulikajo fanga bonyana. Wariw ni minen kun folow dira baaraw daminena. Kojugubakelaw keleli ye wajibi ye walasa yiriwali sira ka ta sahelikungo kono.

Ni Faransi ni Nansarajekulu mumu, ani sahelikungo jamanaw ye fanga don kelejekulu sigilen in na, a ka ca a la u be dankari kojugubake la sahelikungo kono. Yiriwalaaraw b'o senkoremadon. Ka da a kan Nizeri jamanakuntigi Isufu Mahamadu tun y'a jira, ko ni faantanya ma kele ka kojugubakelaw jigi kari, wasa soro man di kele in na, Emaniyeli Makoron ye Nizeri jamanakuntigi ka kuma sementiya, ka laban k'i sinsin a kan, ko nin laje in kun ye ka dabali numan tige kojugubake keleli la. A k'o sira do ye sahelikungo jamana 5 kelecew demeni ye ni kalan, baarakenafolo ani minenw ye.

Moritani jamanakuntigi Mohamed Abudeli Azizi min y'u jatigi ye, o y'a jira, ko kojugubakelaw ye dankarili min ke Zesenki dagayoro la Seware Moti, o b'a jira ko sahelikungo jamanaw n'u demebaaw ka do fara u ka feerelobolo kan, min b'a to nafa ka ye kelejekulu in na. A k'u ka kan ka dabali kuraw tige, walasa k'u tanga

### Jamana nemogow be se ka senekelaw hake soro

Senekemansin caman jirala senekelaw la. Bee y'a ye, bee y'a men arajow la, k'u ye telew la. Mali komini mumu ye 703 ye. Senekemansin hake ye 1.000 ye. Halin'iy'ajuru don komini kelen-kelen na, a to be to 27 ye.

Jamana o jamana n'i ye senekelaw bolo kofe, balokogeleya te se ka ban yen. Mansinw jirala senekelaw la, a b'i n'a fo o kera fuye. Damakeje ka kanka sabati yiriwalaara ko bee la. Kita senekili kono, ne te komini si don, minye mansin kelen soro. Nemogow mana ko mon cogo min na, komogow fana be jege tilaten. Jikogeleya ni sirakogeleya be sigida caman na, goferenaman meenni k'a soro a ma fura nini olu la.

Ne b'a ninisenebila ka minisirife, a k'a janto senekelaw la. Mali senekelaw be geleya kono bi kosebe. U mako be fen minnu na, u'olu soro joona. Nogow nisumansiwb'ola. Senekela bolofensi te songo nennama soro suguw la. Senekelaw be tigasene dabila ka don koorisene na.

nin waley jugu in nognna ma.

Nizeri jamanakuntigi lakanna ka kuma ta, k'a jira ko nin laje in dabora ko fila de kama. Foloye kelejekulu ka se k'a ka baaraw ke a nema, filan yeyiriwalaaraw bolodalin'u waleyali ye jamana duuru ninnu kono. Ka a da kankobasigisabatili sirilen be yiriwali kuntaala jan waleyaw la. A ko kojugubakelaw b'u sinsin sigidalamogow ka faantanya kan, ka mogo dow negen ni nafolomuguw ye, ka fara u yere kan. A numan ye sigidalamogow ka soro ke ka se u yere koro, min b'a to u be ban ka fara kojugubakelaw kan. Isufu Mohamadu ka fo la, kojugubake keleli ye ko kuntaala surun ye; nka fen min ye yiriwali ye, o soro ye ko kuntaala jan ye. Ale de be soro yiriwali ani hadamadenya netaa kofo. A ko na ma ne k'u be kojugubake kele, u k'u janto ale hakilila fila ninnu na.

### Kojugubakelaw ye dankari sahelikungo kelejekulu dagayoro la Seware

Tile fila kojugubakelaw kelen kofe ka dankari Zesenki dagayoro la, Zenerali Dije Dako ye kunnafonilaje ke. Zesenki sorodasi 2 fagara ka 6 jogin sow sebekoro tijena. Kojugubakela ninnuna, mogo 2 fagara ka 4 nennama mine. Nin waley jugu in kera jumadondfe zuluyekalodamine na san 2018.

Zenerali Dije Dako ye foli ni tanuni lase a ka cedenw ma u ka cesiri la, ka laban k'a jini u fe, halibi u ka kolosili fanga bonya walasa k'u tanga nin nognna were ma.

Nka anb'awladonniya, ko Dije Dako bora a joyoro la; n'o ye sahelikungo kelejekulu nemogoya ye.

Moriba Kulublai  
Dokala Yusufu Jara



Faraban Balo  
tubu bo, u tege te da u ka kooriwari kan a tuma na. Se fosi te senekelaw ye ka nemogow kani u ka wari la. Koori talen t'a wari saralen ye. No da be geleya k'a soro kooriwari ma soro ka no san balo kama denbaya ye.

Tuma dow la dugu dow b'u ka baara bila ka taa u ka kooriwari nefe. Nisongokani be danime tuma camanna k'a soro kooriwari ma di. U be laban ka don da jugu fe, walasa u na se k'u ka fasodennumanya tiime. Dan be ko bee la.

Faraban Balo ka bo Fuladugu-Kotuba, Kita mana la

# Otiwale ka senemara kono sumanw yecogo ka ni folo



Otiwale némogba Dögotoro Mamadu Kane n'a nofajama ye taama damine nténendón utikalo tile 6 san 2018 k'uka san 2018 sene kanpani forow laje. Bankumana komini kono, u sera Samako ni Kirimalen. Kangaka serekili kono u sera Karan.

Jama taara a ne da Yaya Jara ka foro kan Samako. Kabaforo ha5, kooriforo ha4,5, sajò ha3 ani tigaforo ha1 b'o bolo yen. Yaya Jara ka fo la, ale ye kaba toni 2 fo 4 soro a ka foro in na kanpani temen, ka koori toni 4,2 soro a ka kooriforo ha4 kono. A k'a ye nogo ni bagaji dafalen fana soro ninan a waati numan na. Furakeli kera a nema; nka ntumu be ka ye kabaforo fan caman fe o kofe. A ko furaw te ka fen ke ntumu na. Jama ye mogo wrew ka foro fen o fen yaala, u ye ntumu ye a bee kono. Yusufu Keyita ka bo Kirimalen, o ka foro b'o la. Koeriforo ha7, kabaforo ha9 fana b'a bolo. Taari 2 ye Sotubaka ye, a to ye Denba numan ye. Tigaforo ye ha6 ye, siforo ye ha2 ye; nako ye ha1,5 ye.

Seyidu Keyita ka bo Karan, koeriforo ha7,6, kabaforo ha6, keningeforo ha3, maloforo ha3 ani tigaforo ka2 b'o bolo. Senekela ninnu bee y'a jira Otiwale némogba n'a nofajama na, k'u bilarirabaaw ye posoni min di u ma ninan, k'o man ni ka salon ta bo. U ko salon n'i tun ye fiyeli ke, lere kelen kuntaala kofe, itun be fejenama caman

suw ye foro fan bee fe. Nka ko ninan ta ma se ka fosi faga folo.

Jigi Kamisoko ye Otiwale posoninko ni juruko jemogo ye. Ale y'a jira ko posoni min dira senekelaw ma ninan, k'o te fen bee faga, nka k'a be fejenama de fanga dogoya k'ubalika tijeni ke. A ko posoni kura don. N'i y'a fiye, fejenamaw b'u yere ninan ka foro bila. Ni minnu ma bo sanni ka posoni gaasi ban, k'olo be sa. O fejenama minnu be sa, fen were be se k'olu dun u te baasi lase o ma. Posoni suguya in te baasi lase sigida n'a lamini fana ma.

Jigi Kamisoko y'a jira senekelaw la, u ka posoni kura in labaaracogo sariyau labato; k'o b'a to a ka mako ne u ye. Hake min be fiye k'o fiye, k'a finewati jate mine, ka fine taafan fana kolosi ani fine fanga cogoya. Ka fiyeli ke ni minen kerékerénenweyani ka posoninbara lankolonw lamara yoro numan na. Nin nefoli minnu kera Jigi Kamisoko fe, olu ye dannaya sinsin senekelaw dusu la ka nesin posoni kura in ma.

Kolsili la, sumanw ni koori yecogo ka ni folo. Kabaw be ka tonkuru ta, kooriv feeren don. Ni sanji tora nin cogo numan in na, senekelaw be son ka wasa kosebe ninan. Geleya koni ye tijeniferenweyekabaforowla. Posoninfye te ka makojola folo. Dögotoro Mamadu Kane y'a jira, ko foroyaala in kun ye, geleya minnu mana kolosi, k'olu kumbencogo nini joona. A ko ni

senekelaw ye sene kecogo numan taabolow matarafa, a ka ca a la u ka soro be jiidi.

Otiwale némogba dankan ye Madamu Jalo Ma Kone ye. Araba utikalo tile 8 san 2018, o n'a nofajama y'a kunda Negela kan Kati Serekili kono. Jekulu min nesinnen be senekelaw laadili ani sene kunnafoniw jensenni ma n'o ye Seyidu Buware ye, ka fara juruko nénabobaa Mikayeli Tarawele kan, olutun be Otiwale némogdankan nöfe a ka taama inna. Tuma minna usera Negela, Otiwale ka nénko némogba min be Kati - Falaje kunna n'o ye Haruna Makalu ye, obilala uje ka Negela arondiseman forodow yaala. Mohamedi Tarawele ye Negela senekelaw bilasirabaa ye; Siyaka Tangara ye Jiburula senekelaw bilasirabaa ye. Nin mogo fila y'u kali nögonye, k'uka senekelaw be nögondan na nin kanpani in na. Mahamedi Tarawele ko n'ale ka mogow ma Siyaka Tangara taw dan ninan koori soro la, a ka senekemara koori soro mana ben hake min na kilo kelen kelen a be sefawari döröme 1000 (ba kelen) di Siyaka Tangara ma k'a jansa n'o ye.

Madamu Jalo Ma Kone n'a nofemogow sera Sakoba k'u ne da Yakuba Konare ka kabaforo kan. Ka laban ka taa u ne da Burama Tarawele ka kabaforo kan Negebabugu.

Jateminew y'a jira, kontumuw be foro caman fana na Negela arondiseman kono. O de la Otiwale laadibaaw y'a nin serekelaw fe, u k'u timinandiya forow fiyeli fe ni bagajiw ye, walasa k'u tanga ntumu ninnu mantooro ma.

Kabaforo ha5 ni koeriforo ha8 be Burama Tarawele bolo ka fara tiga ha1 ni bene ha1 kan. Yakuba Konare ka bo Sakoba, ale ka kabaforo ye ha7 ye; koeriforo ha6, tiga ha1,5 ani ganforo ha1 fana b'a bolo. O dugu kelen in na koeriforo ha8, kabaforo ha5, tigaforo ha2, keningeforo ha1, gan ni bene taari kelen - kelen ani maloforo ha1,5 be Zumana Konare bolo. Koeriforo ha4, kabaforo ha3, beneforo ha1 ka fara tiga ni gan ha1,5 kan a kelen - kelen bee la.

Madamu Jalo Ma Kone y'a nin senekelaw fe, u k'u janto u laadibaaw ka kunnafoni ditaw la, o be son ka ke sababu ye u ka forow ka sabati; balo

caman be soro, koori numan caman fana mana soro o be makoba ne warikola.

Otiwale némogdankan sera Yarankabugu, Kolokanin serekili kono Modibo Kulubali ka foro la. Nin ye koorisene donko folo ye o dugu in kono. Geleya min kolosira baara la yen, o ye foro labobaliya ye farafinnogo la; ka da a kan cencendugukolo don. Odugukolo suguya la, a numan ye i ka farafinnogo wotoroje 50 ke taari kelen na. Koeriforo ha1, kabaforo ha0,5, tigaforo ha1,5 ani nöforo ha1 be Modibo Kulubali bolo. Bin kelen be k'a ka foro mine kosebe; sabula korsiyenni ma ke a waati la. Sene kecogo numan siratige la, danni kelen tile 14 fo ka se tile 15 ma, korsiyenni ka kan ka ke. Haruna Makalu y'a jira Modibo la a ka taabolo matarafa. Ale bëna a laje kokura tile 15 nin lajeliko folo kofe n'a y'a soro yelema numan donna a ka foro cogoya la. Ni sene taabolo ma labato, i tene se ka soro nénama ke min be se k'i ka juri talenw sara.

Araba utikalo tile 15 san 2018, Otiwale némogba Mamadu Kane n'a nofajama donna Kulukoro ba kofeduguw la. U fölä Jönin ni Janginebugula. Koeriforo ha7, sajoforo ni keninfeforo kelen - kelen bee ha5, tigaforo ha1,5, soforo ha2, kabaforo ha2, sunanforo ha3, ani beneforo ha3 be Modibo Tarawele bolo Jönin. Suleyimani Tarawele min be bo Janginebugu, o y'a jira ko samiyé damine geleyara k'a sababu ke sanji soro balya ye joona; o de la baara caman ma se ka ke a tuma na, kerékerénenweyekabaforowla. Nisanji sorolen ma milimetre 20 bo koori te se la dan. Nka tuma minna sanji tugura, ko caman bilala sira numan kan. A ka koeriforo yere yecogo tun ka ni kosebe a lajewati la. O dugu kelen in na Otiwale n'a nofemogow taara u ne da Ibarahima Kane ni Basidi Berete ka forow kan. Mogo si koni ma ntumuko fo a ka foro kono Kulukoro ba kofeduguw la. Yaalalikela ninnu yere ma fen kolosi. Senefew cogoya kolosilitaama kuncera ni foli ni tanuni ye ka nesin senekelaw ma.

Moriba Kulubali  
Dokala Yusufu Jara

## Maroku jamana lemuruw seginnen be ka Bamako suguw fa

Jiriden joyoro ka bon kosebe farikolo lakanani na, k'a da a kan na famanfan caman b'a la. A be dumuni kelenw fana yelema diya. An be waati min na n'o ye samiyé ye, fen bee da ka gelén; kerékerénenweyekabaforowla. Nkan, k'o man ni ka salon ta bo. U ko salon n'i tun ye fiyeli ke, lere kelen kuntaala kofe, itun be fejenama caman

ninan, k'u be ka soro samiyé fe. A k'u tun ma deli k'u soro samiyé fe.

Desanburukalo kónona na lemuru songo ka nogo. A kariton kelen songo b'a ta sefawari döröme 1.800 na ka se 2.000 ma; wa döröme 400 fo 500 be se ka soro toni ye kariton kelen na. Lemuru kariton kelen girinya ye kilo 15 ye; nka sira janya koson, kabø Marokuka se Bamako, do be bo a girinya hake la; a to be to kilo 10 walima kg11 ye. Oye binni ye lemuru ninibaa bolo ka bo Maroku.

Madina Sanogo ye Maroku lemuru feerebaa ye Medinakura sugu la. Ale y'a jira, ko lemuru te ka soro kosebe sisan. Amadu Kulubali fana seginna o kuma kelen kan. A ko Maroku ni

Afrikidisidi lemuru te ka soro sisan. Afrikidisidi lemuru be na batonw fe. Abe se ka kalo kelen ke sira la k'a soro a ma se Bamako. O b'a soro tijeneni cayara a la. O ye binni ye bakurubafeerelaw ma. Maroku taw dun be na móbiliw fe. O mobilii ninnu kónona sumanen don.

Tile fila kono Maroku mobilii be don Bamako. U b'o kariton kelen feere sefawari döröme 2.800. Tijeneni minnu mana ye lemuru la, i be wajibya k'olu latomo ka bo a la. Mogo te soro k'olu san. O dun b'a soro e ye mobilifalemuru bee wari sara kaban.

Adama Kulubali hakili ye goferenaman ka deme k'u ye, min b'a to do be se ka bo lemuru takisi saratow ni duwajesaraw

la n'i be bo n'a ye Maroku. Lemurufeere be baara di denmisew ma n'a be ke cogoya numan na. Hawa Yalikuwe y'a jira ko n'i ye lemuru kariton ta döröme 2.800, n'i y'a bes feere kilo döröme 2000 la i te 200 tono soro a la. O de koson ale b'a kilo 1 feere d.300 la. A ko mogo caman de b'a ke ten.

Nka nin bee la, sanni an k'an sinsin lemuru ladonni kan Mali kono, munna an yere ka jiriturulaw te se k'u timinandiya lemuru caman teruli fe, ni nafa be baara in na? O b'a to senekelaw ka se ka caman ne Mali lemurmako la.

Amusata Umu  
Tarawele  
Dokala Yusufu Jara

## Politikiken : Wote kécogo numan

Wote ye fasodennumanya baara ye. Ka wuli ka taa wote, o koro ye k'i jatelen don fasodenw fe. A koro ye k'i hakilila jatelen don fasoko la. A b'a jira k'i be mögo sugandi k'a sigi némogoya la i sago la. A b'a jira ko demokarafifanga fan do b'i bolo min b'i yamaruya ka fanga sigi ani k'a wuli. I be sugandili min ke, kana jón o la, koba don. I ye mögo min sugandi, n'o ye numan ke, i no b'a la. N'a ye juguman ke fana, i no b'a la. Hali Alasira la, i be nininkia ka sugandili la n'a ma na ni numan ye.

### I. Wote be ke kou jumewen kan an ka jamana kono politiki sira kan?

Fasoko la, wote be ke ko naani kan : 1-Ereferandum : Oye jamanaden hakilila ni wote ye. Mögo te wote mögo ye o la. Ni jamana b'a fe ka taabolo do ta, taabolo kura min be jamanaden bee kunkan ereferandum be laben. Taabolo in be nefs kosebe jamanadenw ye, o kofe, wote be ke. A be fo o wote suguya ma, woteba, jama hakililini wote, walima ereferandum.

2 - Peresidansigiwote : O ye wote filanan ye. Toncamandemokarasi kono, politikiton minnu b'a fe u ka mögo ka sigi pérésidany la, olu be bén mögo kelen kan, o be ke u ka cébo ye.

Wote be ke cébow de ni nögön ce peresidansigiwote la. Ni min ka jama cayaáa ni tow ta ye, o be sigi fanga la. 3 - Depitesigiwote : Depitew ye serekiliw ni Bamako faaba ka lasigidenw ye forobabulon kono, n'o ye Asanbile ye. Sigidalamögow be mögöw sugandi minnu bëna u joyor fa bulonba kono. O sugandili in be wele depitesigiwote.

4 - Kónseyesigiwotew : Olu ye dugumawotew ye. O senfe, komini kónseyew be sigi, o senfe mërew be sigi. Kónseyew ni mërew be marabolo asanbile mögöw n'a némogow sigi. Sigida lakoñnenw ka bulonba némogow be sigi o sababuya la.

Nin jateme minnu kelen file wote suguyaw kan, olu bëe b'a jira ko wote nafa ka bon.

### II. Wote kécogo numan be kalan

Jamana woteko sariya be yen, nk'a bëe sëbennet don tubabukan na.

## Maakorbaro : Sigimangoya kololow

N'i ko i be hadamaden ka sigimangoya fo, i be dööniñ dörön de fo; barisa i têna se k'a fo ka se a dan na. Osigimangoya in ye hadamaden bila sigida n'a lamini lakanabaliya la ko wariko, ko nafoloko dan b'a yere ye. Odey'a se fo dugukolo jukorofenw ma, dugukolo jukorofenw ma. A ma dugukolo kunnanafolow to. A ka o wale këme ni mugan si kelen ma ke ko a siginogon danfen tow ma tojo, ko fiye ma bila sigida n'a lamini na.

Ninnu bëe kera. Ninnu bëe be ka ke halibi. Nka o n'a ta bëe, hadamaden ko : Munna funtenibabo? Munna tijenijibaw? Munna jikogeléya? Munna sanjinabaliya? Munna neemantanya? Sigida n'a lamini lakanabaliya tijeninow kololow be ka hadamaden jaabi, k'a gen ka mine, kungosogow sigiyorow, u baloyorow, u dagayorow, u miyorow, u

Jamana kono, mögo këme o këme na, mugan dörön de kalannen don tubabukan na (20%). O koson, an bëna wote kécogo numan nefsaw ye bamanankan na. Sanni o ce :

### 1 - Jón be se ka wote?

Jamanaden kelen-kelen, n'i ka woteseben b'i bolo, i be se ka wote. Sariya y'a jira ko maliden o maliden, ce ni muso, i si hake dogoyalenba ka ke san 18 ye, n'i ka fasodenya ni politikibaara hakew dafalen don, n'i ma nangi sariya fe k'a jira ko wote ma daga i ye, n'i togo be wotesebenba kono, i be se ka wote.

### 2 - Jón te se ka wote?

- Jamanaden minnu si hake ma se san 18 ma; - Woteseben te jamanaden minnu bolo; - Jamanaden minnu togo ma seben wotesebenba kono; - sariya ye jamanaden minnu nangi k'u ka wotehake bosi u la.

### 3 - Peresidansigiwote be ke cogo di?

- N'i donna wotekeso kono, i be nesin mögo fölo minnu ma, olu ye aseseriu ye n'o ye demebagawye. Woteseben be jira o la. O b'a sëgesëge n'i togo be wotesebenba kono. N'i togo yera o kono, i be yamaruya ka wotekeseben kelen ta. Cébow n'o ye kandidaw ye, olu ja b'o kan. Bolodayorò be ja ninnu kelen-kelen na.

- Wotekeseben be mine wotekeso n'o ye wotekeseben ta, i be taa gundo sonin kono, k'i bolo su dabaji la, k'a da bolodayorò la i ka mögo sugandilen ja kërefe. O la, i b'a to dabaji ka ja dööniñ, ka soro ka wotekeseben kuru, ka b'gundo sonin kono ka n'a bila wotekeso kono, n'an koo ma fana wotebaranin, NKA sanni i k'a bila wotekeso kono, i b'a jira biro peresidan na fölo.

- O kofe, bolonbila be ke aseseri min yoro la, i be geré yen, k'i bolonbila i togo kërefe. U b'i ka woteseben di i ma.

A sëbennet b'o kan k'i wotera.

- O kofe, i b'i bolonkoni su dabaji bobalila, k'i ka wotekeseben minne ka bo. I wotera. I y'i ka fasodennumanya baara ke. I y'i joyorfa.

Kalifa Fofana  
Mahamadu Konta



Karamogo Daramani Tarawele

dumunikeyorow, u yaalayorow, u dogoyerow, u kalifayorow, hadamaden kelen pe y'a bëe ban pewu. Mali ta koni bëe ten!

Karamogo Daramani Tarawele

## Kalo farikolojëna je kibaruyaw



1. Samatasëge fitinin minnu si te teme san 17 kan: Olu be k'u laben ka taa u togolakani kene kan san 2019 Tanzani jamana kan. Nka sanni o ce, u be kupu IFOWA (UFOA) ntolatanaw ke Senegali, k'a ta setanburukalo tile 9 na ka se a tile 18 ma. Kulu saba be nögön soro Senegali janjo la :

**Kulu A:** Senegali, Gine-bisawo, Saralon. **Kulu B:** Mali, Liberiya ani Ganbi. **Kulu C:** Lagine, Moritani ani Kapuwéri. Nin kulu 3 la, jamana 2 minnu mana bee dan, o be taa Kani na Tanzani san 2019.

2. Afiriki bolobatigw ka nögöndanba : Nin tun y'a siye 9nan ye, a kera Gana jamana kan, k'a ta zuluyekalo tile 26 la ka se a tile 29 ma, san 2018. Mali ye joyor filanan soro ni medayi 12 ye. Gana kera fölo ye ni medayi 88 ye.

3. Mali basiketikela musomannin minnu si te teme san 18 kan : Olu be Kani kene kan Maputo, Mozambique jamana faaba la. U ni Kongo demokaratiki ye nögön soro, o kera 99

ni 33 ye Mali kanu na. U ni Uganda ye nögön soro, o kera 132 ni 39 ye Mali kanu na. U ni Angola ye nögön soro, o kera.....

4. Salamu Jidu bëna ntolatan ke Monako fe Faransi : Mali samatasëge fitinin minnu si hake te teme san 18 kan, oludédon. Burudame don. A n'a tønögönw delila k'u ka Kani ta. Tubabuw y'a ye ko don do nana don. U y'a jini a ka don u ka ton na.

5. Mali ni Sudandisidi bëna nögön soro : O be ke Kani nata hukulu kono min bëna ke Kameruni, san 2019. Ntolatan in be ke Juba, Sudandisidi faaba la setanburukalo tile 9. Jamana 24 de be nögön soro Kameruni 2019 Kani na. San temenen ta tun ye jamana 16 ye.

6. Mali ntolatan lakoliso ye nögön soro : A janjo diyara Manden Doolola. Nintun'y'a siye fölo ye Manden Kawka Ereyali gosi 2 ni 0 finali la. Ntolatan lakoliso 22 de be nögöndan in ke ka bo Bamako, Kulukoro, Sikaso, Segu, Moti.

## Kalankën : Baara bolodalenw Afiriki kono yanni san 2013 ce

Afiriki jamanaden, an, ka golokurada ani netaa kuntaala jan siraw jiralen be nin gafe in kono, min dilanna san 2015 mëkaloo la an ka jamana némogow fe. O gafe togo ye ko «Baarabolodalen yanni san 2063 ce». Ogafe in kono, netaa sabatilisiraw bolen don an ye. O la, an bëe ka kan ka yelema don an tjabolo la walasa an ka jamana ka bò nogo la, ka yiriwali kuntaala jan sira ta, walasa an ka se k'an da don dije seleke naani kobaw la, ka bo denkerefe la. Dugujukoronafolow b'an bolo, kogojikoronafolow b'an bolo ani hadamaden b'an bolo yan netaa sinsinni kama. Nka munna an be bëe k'o? Baara minnu bolodalen be gafe in kono, n'an ye olu ke a kécogo la, a

ka ca a la, an n'an joyor fa dije kobawla. Ote ne, foanka sonyéléma ma, ka bayéléma ni golokurada sira ta ni baara kékou numan ye, ni netaa hakilila ye kalan, sene, kenya, seko ni döñko, sirako ani hadamadenya yere kécogo la. Bee k'i jilaja ka baara ninnu ke, walasa an ka bonya soro k'an ka yere mahorony dafa.

An be bëe fo o faamuyaliko numan na.

N be foli kerékerennen lase karamogo Mahamadu Konta ma ani Kibaru baarakela bëe ma. K'u ni ce u yere ye nin gafe kónokuma jensenni na. N be AMALAN baarakelaw fana fo

Mariamu Kone, kalansobaw karamogo don Bamako

dumanw ye.

A bonya, i k'a négen, A beréberé, i denw Baba don, I ka suma ni farida don, I ce laben n'a be bo, A lafa ni min ka di a ye, Baro bila a la, a' k'a hakili jira nögön na. Nögönbilasira be je sinsin. Sabali ka di!

Ayisata Kulubali balikukalan karamogo don Sokura Keseli, Moti

## Poi : Sabali ka di

N'i kera ce ye, sabali.  
N'i kera muso ye, sabali.  
Ni ce sabalila, i muso be si jan soro.  
Ni muso sabalila, o b'o cogo la.  
Ce te bonya tuguni. A bolofen te mara.  
A denw te ladonko nyman na,  
A mansaw te bonya.  
Tuma bëe, a ni lagosi be nögön na.  
Sabali ka di!  
Muso o, ce dusu saalo ni kuma